



Broj: 03/1-03/11-05-1-2219-1/17
Sarajevo, 30. 10. 2017.

PREDMET: Informacija o održanoj radionici za članove Zajedničke komisije za odbranu i sigurnost PSBiH u sjedištu Međunarodne agencije za atomsku energiju -IAEA, Beč 17. i 18. 10.2017.

U sjedištu Međunarodne agencije za atomsku energiju, u Beču je 17. i 18. 10. 2017. održana radionica za članove Zajedničke komisije za odbranu i sigurnost BiH s ciljem prezentiranja stanja o režimu nuklearne sigurnosti.

Cilj ove radionice bio je upoznati članove Zajedničke komisije o tome kako uspostaviti, očuvati i zadržati državni režim nuklearne sigurnosti. Tokom radionica razmotreni su ključni elementi državnog režima nuklearne sigurnosti. Najviše pažnje posvećeno je onim aspektima koji su najvažniji za Bosnu i Hercegovinu, kao što je primjena obaveza koje proističu iz relevantnih međunarodnih pravnih instrumenata za nuklearnu sigurnost, sigurnost radiokativnih izvora, otkrivanje arhitekture za nuklearni i radioaktivni materijal koji je izvan regulatorne kontrole te odgovor na događaje koji su prijjetnja za nuklearnu sigurnost i njenu održivost.

Sekretarijat Međunarodne agencije za atomsku energiju, čelni ljudi pojedinih odjela Agencije i eksperti su ciljeve ove radionice osmislili tako da se kroz interaktivni dijalog s članovima Zajedničke komisije razgovaralo o elementima nuklearne sigurnosti koji su bitni za sistem nacionalne sigurnosti, o ulozi regulatornih tijela, o sigurnosti nuklearnog i drugog radioaktivnog materijala pod regulatornom kontrolom te o drugim aspektima sigurnosti nuklearnog i radioaktivnog materijala koji je izvan regulatorne kontrole.

Eksperti i čelni ljudi odjela Međunarodnog sekretarijata Međunarodne agencije za atomsku energiju, koji prate stanje nuklearne sigurnosti u BiH, posebno su naglasili veoma profesionalan pristup i dobre rezultate u radu Državne regulatorne agencije za nuklearnu sigurnost u praćenju stanja i režima nuklearne sigurnosti u Bosni i Hercegovini.

U radu radionice učestvovali su: Sifet Podžić, predsjedavajući, Borislav Bojić i Borjana Krišto, zamjenici predsjedavajućeg, i Šemsudin Mehmedović, član Zajedničke komisije za odbranu i

sigurnost BiH, kao i Marinko Zeljko, direktor, te Zoran Tešanović, zamjenik direktora Državne regulatorne agencije za nuklearnu sigurnost.

Predsjedavajući Zajedničke komisije

Sifet Podžić

Dostavljeno:

- naslovu
- a/a